

足本

曾文正公全集

● 编纂

清·李翰章

● 校勘

清·李鸿章

第七部

□

十八家诗抄



吉林人民出版社


青年毛泽东独服曾文正

蒋介石终生研究曾国藩

校注 宁波 等








足本

曾文正公全集

清·李翰章/编纂

清·李鸿章/校勘



吉林人民出版社



第七部

十八家诗抄

(四〇四七—四八六二)





十八家诗抄

卷 一

湘乡曾国藩纂 合肥李鸿章审订 东湖王定安校

曾子建* 五古五十五首

筮蓍引

置酒高殿上，亲友从我游。中厨办丰膳，烹羊宰肥牛。秦筝何慷慨？
齐瑟和且柔。阳阿奏奇舞，京洛出名讴。乐饮过三爵，缓带倾庶羞。
主称千金寿，宾奉万年酬。久要不可忘，薄终义所尤。谦谦君子德，
磬折欲何求？惊风飘白日，光景驰西流。盛时不可再，百年忽我遒。
生存华屋处，零落归山邱！先民谁不死，知命复何忧。

薤露行

天地无穷极，阴阳转相因。人居一世间，忽若风吹尘。愿得展功勤，
输力于明君。怀此王佐才，慷慨独不群。鳞介尊神龙，走兽宗麒麟。
虫兽犹知德，何况於士人。孔氏删诗书，王粲业已分。骋我径寸翰，
流藻垂华芬。

惟汉行

太极定二仪，清浊始以形。三光炤八极，天道甚著明。为人立君长，
欲以遂其生。行仁章以瑞，变故诚骄盈。神高而听卑，报告响应声。
明主敬细微，三季瞽天经。二皇称至化，盛哉唐虞廷。禹汤继厥德，

• 曾子建 (192—232)，曹植，沛国谯（今安徽亳县）人。曹操第三子，封陈王，世称陈思王。三国时魏杰出诗人，诗以五言为主，多写社会动乱和个人抱负及受压者的苦闷心情。

周亦致太平。在昔怀帝京，日昃不敢宁。济济在公朝，万载驰其名。

虾蛆篇

虾蛆游潢潦，不知江海流。燕雀戏藩柴，安识鸿鹄游？世士此诚明，大德固无俦。驾言登五岳，然后小陵邱。俯观上路人，势利惟是谋。仇高念皇家，远怀柔九州。抚剑而雷音，猛气纵横浮。泛泊徒嗷嗷，谁知壮士忧！

吁嗟篇

吁嗟此转蓬，居世何独然？长去本根逝，宿夜无休闲。东西经七陌，南北越九阡。卒遇回风起，吹我入云间。自谓终天路，忽然下沈渊。惊飙接我出，故归彼中田。当南而更北，谓东而反西。宕宕当何依，忽亡而复存。飘摇周八泽，连翩历五山。流转无恒处，谁知吾苦艰？愿为中林草，秋随野火燔。糜灭岂不痛，愿与根荄连。

豫章行二首

穷达难豫图，祸福信亦然。虞舜不逢尧，耕耘处中田。太公未遭文，渔钓终渭川。不见鲁孔邱，穷困陈蔡间。周公下白屋，天下称其贤。鸳鸯自朋亲，不若比翼连。他人虽同盟，骨肉天性然。周公穆康叔，管蔡则流言。子臧让千乘，季札慕其贤。

蒲生行浮萍篇

浮萍寄清水，随风东西流。结发辞严亲，来为君子仇。恪勤在朝夕，无端获罪尤。在昔蒙恩惠，和乐如瑟琴。何意今摧颓，旷若商与参。茱萸自有芳，不若桂与兰。新人虽可爱，无若故所欢。行云有迫期，君恩倘中还。慊慊仰天欢，愁心将何愬？日月不恒处，人生忽若寓。悲风来人怀，泪下如垂露。发篋造裳衣，裁缝纨与素。

野田黄雀行

高树多悲风，海水扬其波。利剑不在掌，结友何须多！不见篱间雀，见鷦自投罗。罗家得雀喜，少年见雀悲。拔剑捎罗网，黄雀得飞飞。飞飞摩苍天，来下谢少年。

门有万里客

门有万里客，问君何乡人？褰裳起从之，果得心所亲。挽裳对我泣，太息前自陈：本是朔方士，今为吴越民。行行将复行，去去适西秦。

泰山梁甫行

八方各异气，千里殊风雨。剧哉边海民，寄身於草野。妻子象禽兽，行止依林阻；柴门何萧条！狐兔翔我宇。

怨歌行

为君既不易，为臣良独难。忠信事不显，乃有见疑患。周公佐成王，金縢功不刊。推心辅王室，二叔反流言。待罪居东国，泣涕常流连。皇灵大动变，震雷风且寒。拔树偃秋稼，天威不可干。素服开金縢，感悟求其端。公旦事既显，成王乃哀叹！吾欲竟此曲，此曲悲且长。今日乐相乐，别后莫相忘。

名都篇

名都多妖女，京洛出少年。宝剑直千金，被服丽且鲜。斗鸡东郊道，走马长楸间。驰骋未能半，双兔过我前。揽弓捷鸣镝，长驱上南山。左挽因右发，一纵两禽连。余巧未及展，仰手接飞鸢。观者咸称善，众工归我妍。归来宴平乐，美酒斗十千。脍鲤臠胎虾，炮鳖炙熊蹯。鸣俦啸匹侣，列坐竟长筵。连翩击鞠壤，巧捷惟万端。白日西南驰，光景不可攀。云散还城邑，清晨复来还。

当欲游南山行

东海广且深，由卑下百川。五岳虽高大，不逆垢与尘。良木不十围，洪条无所因。长者能博爱，天下寄其身。大匠无弃材，船车用不均。锥刀各异能，何所独却前。嘉善而矜愚，大圣亦同然。仁者各寿考，四坐咸万年。

美女篇

美女妖且闲，采桑歧路间。柔条纷冉冉，落叶何翩翩。攘袖见素手，皓腕约金环。头上金爵钗，腰佩翠琅玕。明珠交玉体，珊瑚间木难。罗衣何飘摇，轻裾随风还。顾盼遗光彩，长啸气若兰。行徒用息驾，休者以忘餐。借问女安居？乃在城南端。青楼临大路，高门结重关。容华耀朝日，谁不希今颜！媒氏何所营？玉帛不时安。佳人慕高义，求贤良独难。众人徒嗷嗷，安知彼所观。盛年处房室，中夜起长叹。

白马篇

白马饰金鞍，连翩西北驰。借问谁家子？幽并游侠儿。少小去乡邑，扬声沙漠垂。宿昔秉良弓，楛矢何参差？按弦破左的，右发摧月支。

仰手接飞猱，俯身散马蹄。狡捷过猴猿，勇剽若豹螭。边城多警急，胡虏数迁移。羽檄从北来，万马登高堤。长驱蹈匈奴，左顾陵鲜卑。弃身锋刃端，性命安可怀。父母且不顾，何言子与妻？名编壮士籍，不得中顾私。捐躯赴国难，视死忽如归。

升天行二首

乘蹕追术士，远之蓬莱山。灵液飞素波，兰桂上参天。玄豹游其下，翔鹄戏其颠。乘风忽登举，仿佛见众仙。扶桑之所出，乃在朝阳谿。中心陵苍昊，布叶盖天涯。日出登东岭，既夕没西枝。愿得纡趾辔，迴日使东驰。

五游篇

九州不足步，愿得凌云翔。逍遥八弦外，游历历遐荒。披我丹霞衣，袭我素霓裳。华盖纷旒旆，六龙仰天骧。曜灵未移景，倏忽造昊苍。闾阖* 启丹扉，双阙曜朱光。徘徊文昌殿，登陟太微堂。上帝休西棣，群后集东厢。带我琼瑶佩，漱我沆瀣** 浆。踟蹰玩灵芝，徙倚弄华芳。王子奉仙药，羡门进奇方。服食享遐纪，延寿保无疆。

远游篇

远游临四海，俯仰观洪波。大鱼若曲陵，承浪相经过。灵鳌戴方丈，神岳俨嵯峨。仙人翔其隅，玉女戏其阿。琼芷可疗饥，仰首吸朝霞。鹄岩本吾宅，中州非我家。将归谒东父，一举超流沙。鼓翼舞时风，长啸激清歌。金石固易敝，日月同光华。齐年与天地，万乘安足多。

仙人篇

仙人揽六箸，对博太山隅。湘娥抚琴瑟，秦女吹笙竽。玉樽盈桂酒，河伯献神鱼。四海一何局，九州安所如？韩终与王乔，要我於天衢。万里不足步，轻举凌太虚。飞腾逾景云，高风吹我躯。回驾观紫微，与帝合灵符。闾阖白嵯峨，双阙万丈余。玉树扶道生，白虎夹门枢。驱风游四海，东过王母庐。俯观五岳间，人生如寄居。潜光养羽翼，进趣且徐徐。不见昔轩辕，升龙出鼎湖！徘徊九天下，与尔长相须。

• 闾阖(chāng hè 昌合)，传说中的天门，亦指皇宫的正门。

•• 沆瀣(hàng xiè)，夜间的水气，露水。

斗鸡篇

游目极妙伎，清听厌宫商。主人寂无为，众宾进乐方。长筵坐戏客，斗鸡观间房。群雄正翕赫，双翅自飞扬。挥羽激清风，悍目发朱光。嘴落轻毛散，严距往往伤。长鸣入青云，扇翼独翱翔。愿蒙狸膏助，常得擅此场。

盘石篇

盘石山颠石，飘摇涧底蓬。我本太山人，何为客淮东？鹤葭弥斥土，林木无分重。岸岩若崩缺，湖水何汹汹！蚌蛤被滨涯，光彩如锦虹。高彼凌云霄，浮气象螭龙。鲸脊若邱陵，鬓若山上松。呼吸吞船楫，澎湃戏中鸿。方舟寻高价，珍宝丽以通。一举必千里，乘颶举帆幢。经危履险阻，未知命所钟。常恐沈黄炉，下与游鳖同。南极苍梧野，游眄穷九江。中夜指参辰，欲师当定从。仰天长太息，思想怀故邦。乘桴何所志？吁嗟我孔公！

驱车篇

驱车掉弩马，东到奉高城。神哉彼太山，五岳专其名。隆高贯云霓，嵯峨出太清。周流二六垓，间置十二亭。上有涌醴泉，玉石扬华英。东北希吴野，西眺观日精。魂神所系属，逝者感斯征。王者以归天，效厥元功成。历代无不遵，《礼记》有品程。探策或长短，唯德享利贞。封者七十帝，轩皇元独灵。飧霞漱沆瀣，毛羽被身形。发举蹈虚廓，径廷升窈冥。同寿东父年，旷代永长生。

种葛篇

种葛南山下，葛藟*自成阴。与君初婚时，结发恩义深。欢爱在枕席，夙昔同衣衾。窃慕棠棣篇，好乐和瑟琴。行年将晚暮，佳人怀异心。恩纪旷不接，我情遂抑沈。出门当何顾？徘徊步北林。下有交颈兽，仰见双栖禽。攀枝长叹息，泪下沾罗襟。良马知我悲，延颈代我吟。昔为同池鱼，今为商与参。往古皆欢遇，我独困于今。弃置委天命，悠悠安可任！

弃妇篇

石榴植前庭，绿叶摇缥青。丹华灼烈烈，璀璨有光荣。光荣晔流离，

* 藟lěi(垒)，藤。

可以处淑灵。有鸟飞来集，拊翼以悲鸣。悲鸣夫何为？丹华实不成。拊心长叹息，无子当归宁。有子月经天，无子若流星。天月相终始，流星没无精。栖迟失所宜，下与瓦石并。忧怀从中来，叹息通鸡鸣。反侧不能寐，逍遥于前庭。踟蹰* 还入房，肃肃帷幕声。搴帷更振带，抚弦调鸣箏。慷慨有余音，要妙悲且清。收泪长叹息，何以负神灵？招摇待霜露，何必春夏成。晚获为良实，愿君且安宁。

公宴诗

公子敬爱客，终宴不知疲。清夜游西园，飞盖相追随。明月澄清影，列宿正参差。秋兰被长坂，朱华冒绿池。潜鱼跃清波，好鸟鸣高枝。神飏接丹轂，轻辇随风移。飘摇放志意，千古长若斯。

赠徐干

惊风飘白日，忽然归西山。圆景光未满，众星灿以繁。志士营世业，小人亦不闲。聊且夜行游，游彼双阙间。文昌郁云兴，迎风高中天。春鸠鸣飞棟，流飙激椽轩。顾念蓬室士，贫贱诚足怜。薇蕨弗充虚，皮褐犹不全。慷慨有悲心，兴文自成篇。宝弃怨何人，和氏有其愆。弹冠俟知己，知己谁不然？良田无晚岁，膏泽多丰年。亮怀璠玙** 美，积久德逾宣。亲交义在敦，申章复何言。

赠丁仪

初秋凉气发，庭树微销落。凝霜依玉除，清风飘飞阁。朝云不归山，霖雨成川泽。黍稷委畴陇，农夫安所获？在贵多忘贱，为恩谁能博？狐白足御冬，焉念无衣客。思慕延陵子，宝剑非所惜！子其宁尔心，亲交义不薄。

赠王粲

端坐苦愁思，揽衣起西游。树木发春华，清池激长流。中有孤鸳鸯，哀鸣求匹俦。我愿执此鸟，惜哉无轻舟！欲归忘故道，顾望但怀愁。悲风鸣我侧，羲和逝不留。重阴润万物，何惧泽不周！谁令君多念？自使怀百忧。

* 踟蹰(chí chú 迟除)，徘徊不进，犹豫不决。

** 璠玙(fán yú 烦于)，两种美玉。

又赠丁仪王粲

从军度函谷，驱马过西京。山岑高无极，泾渭扬浊清。壮哉帝王居！佳丽殊百城。员阙出浮云，承露慨泰清。皇佐扬天惠，四海无交兵。权家虽爱胜，全国为今名。君子在末位，不能歌德声。丁生怨在朝，王子欢自营。欢怨非贞则，中和诚可经。

赠丁翼

嘉宾填城阙，丰膳出中厨。吾与二三子，曲宴此城隅。秦筝发西气，齐瑟扬东讴。肴来不虚归，觞至反无余。我岂狎异人？朋友与我俱。大国多良材，譬海出明珠。君子义休偕，小人德无储。积善有余庆，荣枯立可须。滔荡固大节，时俗多所拘。君子通大道，无愿为世儒。

赠白马王彪七首

序曰：“黄初四年，正月，白马王任城王与余俱朝京师，会节气到洛阳，任城王薨。至七月，与白马王还国。后有司以二王归蕃，道路宜异宿止，意每恨之。盖以大别在数日，是用自剖，与王辞焉。愤而成篇！”

谒帝承明庐，逝将归旧疆。清晨发皇邑，日夕过首阳。伊洛广且深，欲济川无梁。泛舟越洪涛，怨彼东路长。顾瞻恋城阙，引领情内伤。太谷何寥廓，山树郁苍苍。霖雨泥我涂，流潦浩纵横。中逵绝无轨，改辙登高冈。修坂造云日，我马玄以黄。

玄黄犹能进，我思郁以纡。郁纡将何念？亲爱在离居。本图相与偕，中更不克俱。鸱枭鸣衡轭，豺狼当路衢；苍蝇间白黑，谗巧今亲疏。欲还绝无蹊，揽辔止踟蹰。

踟蹰亦何留？相思无终极。秋风发微凉，寒蝉鸣我侧。原野何萧条？白日忽西匿。归鸟赴乔林，翩翩历羽翼。孤兽走索群，衔草不遑食。感物伤我怀，抚心长太息！

太息将何为？天命与我违。奈何念同生，一往形不归。孤魂翔故域，灵柩寄京师。存者忽复过，亡没身自衰。人生处一世，去若朝露晞。年在桑榆间，影响不能追。自顾非金石，咄咄，澎湃戏中鸿。方令心悲。心悲动我神，弃置莫复陈。丈夫志四海，万里犹比邻。恩爱苟不亏，在远分日亲。何必同衾帟？然后展殷勤。忧思成疾疹，无乃儿女仁。仓卒骨肉情，能不怀苦辛？

苦辛何虑思！天命信可疑。虚无求列仙，松子久吾欺。变故在斯须，百年谁能持？离别永无会，执手将何时？王其爱玉体，俱享黄发期。收泪即长路，援笔从此辞。

送应氏诗二首

步登北邙孤，遥望洛阳山。洛阳何寂寞？宫室尽烧焚。垣墙皆顿擗，荆棘上参天。不见旧耆老，但睹新少年。侧足无行径，荒畴不复田。游子久不归，不识陌与阡。中野何萧条？千里无人烟。念我平常居，气结不能言。

清时难屡得，嘉会不可常。天地无终极，人命若朝霜。愿得展燕婉，我友之朔方。亲昵并集送，置酒此河阳。中馈岂独薄？宾饮不尽觞。爱至望苦深，岂不愧中肠！山川阻且远，别促会日长。愿为比翼鸟，施翮起高翔。

三良诗

功名不可为，忠义我所安。秦穆先下世，三臣皆自残。生时等荣乐，既没同忧患。谁言捐躯易，杀身诚独难。揽涕登君墓，临穴仰天叹。长夜何冥冥？一往不复还。黄鸟为悲鸣，哀哉伤肺肝。

游仙诗

人生不满百，戚戚少欢娱。意欲奋六翮，排雾凌紫虚。蝉蜕同松乔，翻迹登鼎湖。翱翔九天上，骋辔远行游。东观扶桑曜，西临弱水流。北极玄天渚，南翔陟丹邱。

杂诗六首

高台多悲风，朝日照北林。之子在万里，江湖回且深。方舟安万极，离思故难任。孤雁奔南游，过庭长哀吟。翘思慕远人，愿欲托遗音。形影忽不见，翩翩伤我心！

转蓬离本根，飘摇随长风。何意回飏举，吹我入云中。高高上无极，天路安可穷？类此游客子，捐躯远从戎。毛褐不掩形，薇蕢常不充。去去莫复道，沈忧令人老。

西北有织妇，绮縠何缤纷？明晨秉机杼，日昃不成文。太息终长夜，悲啸入青云。妾身守空闺，良人行从军；自期三年归，今已历九春。飞鸟绕树翔，嗷嗷鸣索群。愿为南流景，驰光见我君。

南国有佳人，容华若桃李。朝游江北岸，夕宿潇湘沚；时俗薄朱颜，

谁为发皓齿！俛仰岁将暮，荣耀难久恃。

仆夫早岩驾，吾将远行游。远行欲何之？吴国为我仇。将骋万里途，东路安足由？江介多悲风，淮泗驰急流。愿欲一轻济，惜哉无方舟！闲居非吾志，甘心赴国忧。

飞观百余尺，临牖御棂轩。远望周千里，朝夕见平原。烈士多悲心，小人偷自闲。国仇亮不塞，甘心思丧元。拊剑西南望，思欲赴太山。弦急悲声发，聆我慷慨言。

闺情

揽衣出中闺，逍遥步两楹。闲房何寂寞，绿草被阶庭。空室自生风，百鸟翩南征。春思安可忘？忧戚与我并。佳人在远道，妾身单且羸。观会难再遇，芝兰不重荣。人皆弃旧爱，君岂若平生？寄松为女萝，依水如浮萍。赍身奉衿带，朝夕不堕倾。倘终顾盼恩，永副我中情。

七哀诗

明月照高楼，流光正徘徊。上有愁思妇，悲叹有余哀。借问叹者谁？言是荡子妻。君行逾十年，孤妾常独栖。君若清路尘，妾若浊水泥；浮沈各异势，会合何时谐？愿为西南风，长逝人君怀。君怀良不开，贱妾当何依？

情诗

微阴翳阳景，清风飘我衣。游鱼潜绿水，翔鸟薄天飞。眇眇客行士，遥役不得归。始出严霜结，今来白露晞；游子叹黍离，处者歌式微。慷慨对嘉宾，凄怆内伤悲。

喜雨诗

天覆何弥广，苞育此群生。弃之必憔悴，惠之则滋荣。庆云从北来，郁述西南征。时雨中夜降，长雷周我庭。嘉种盈膏壤，登秋毕有成。

七步诗

煮豆持作羹，漉豉以为汁。萁向釜中然，豆在釜中泣；本是同根生，相煎何太急！

失题

双鹤俱遨游，相失东海旁。雄飞窜北朔，雌惊赴南湘；弃我交颈欢，离别各异方。不惜万里道，但恐天网张。